

四庫全書

史部

欽定四庫全書

逸周書卷二

晉 孔晁 注

武稱解第六

大國不失其威小國不失其卑敵國不失其權

此即所謂稱也

距嶮伐夷并小奪亂

闕

強攻弱而襲不正武之經也

經常

伐亂伐疾伐疫武之順也

武道逆取順守故曰順也

賢者輔之亂者

取之作者勸之急者沮之恐者懼之欲者趣之武之用

也

武以為用事也

美男破老美女破舌淫圖破

闕

淫巧破時淫

樂破正淫言破義武之毀也

凡行此事所以毀敵國也

赦其衆遂其

咎撫其闕助其囊武之間也餌敵以分而照其儲以伐

輔德追時之權武之尚也

以分謂以分器土田餌之此術

春違其農秋

伐其穡夏取其麥冬寒其衣服春秋欲舒冬夏欲亟武

之時也

寒衣為敗其絲麻冬夏寒暑盛衰欲度之

長勝短輕勝重直勝曲衆

勝寡強勝弱飽勝饑肅勝怒先勝後疾勝遲武之勝也

肅敬也

追戎無恪窮寇不格

格闕也

力倦氣竭乃易克武之

追也

追敵之法

既勝人舉旗以號令命吏禁掠無取侵暴爵

位不謙田宅不虧各寧其親民服如化武之撫也

謙損也寧

安

百姓咸服偃兵興德夷厥險阻以毀其服四方畏服

奄有天下武之定也

毀武謂毀服之

### 允文解第七

思靜振勝允文維記

以靜規勝康文紀武

昭告周行維旌所在

旌旗

治亂

所在收武釋賄無遷厥里官校屬職因其百吏

收其戎器不取

賄因其官吏無敢改

公貨少多賑賜窮士救瘠補病賦均田布

主施

赦布

命夫復服用損憂耻孤寡無告獲厚咸喜

損除憂耻謂赦

罪振窮數  
大惠也

咸問外戚書其所在遷同氏姓位之宗子

誅其

君為之主  
及群臣宗主

率用十五綏用闕安教用顯允若得父母

懷其德  
政也

寬以政之孰云不聽聽言靡悔遵養時晦

養時闇昧

而誅

晦明遂語于時允武死思復生生思復所

使昧者脩明而

遂告以  
信武也

人知不棄愛守正戶上下和協靡敵不下

於守正戶

言不  
逃亡

執彼玉珪以居其宇庶民咸畊童壯無輔無拂其

取通其疆土民之望兵若待父母

彼謂亂邦之君

是故天下一

旦而定有四海

# 大武解第八

武有六制政攻侵伐搏戰

政者征伐之政

善政不攻善攻不侵

善侵不伐善伐不搏善搏不戰

言廟勝也

政有四戚五和攻

有四攻五良侵有四聚三斂伐有四時三與搏有三哀

四赦戰有六厲五衛六庠五虞

此皆有義然後能致其攻

四戚一內

姓二外婚三友朋四同里

信所宜親也

五和一有天無惡二

有人無郤三同好相固四同惡相助五遠宅不薄

雖遠居皆

厚之此九者政之因也

言因此以成政也

四攻者一攻天時二攻

地宜三攻人德四攻行利

攻謂奪其計使不成也

五良一取仁二

取智三取勇四取材五取藝

所務來而任之良當為求字之誤也

此九者

攻之開也

言開此道以成攻也

四聚一酌之以仁二懷之以樂三

旁聚封人四設圍以信三斂一男女比二工次三祗人

死

祗敬

此七者侵之酌也

言酌此法以成侵也

四時一春違其農二

夏食其穀三秋取其刈四冬凍其葆

此皆所用以敵之凍謂發露其葆聚

三興一政以和時二伐亂以治三伐饑以飽

此所行此當之也

七者伐之機也

機要也以此要成其伐也

三哀一要一不羸二喪人三

擯厥親

哀敵人之困窮如此要當為惡擯一作損

四赦一勝人必羸二取威

信復三人樂生身四赦民所惡

羸謂益之復謂有之皆赦救也

此七者

搏之來也

所以懷來之也

六厲一仁厲以行二智厲以道三武

厲以勇四師厲以士五校正厲御六射師厲伍

厲為治政也

五衛一明仁懷怒二明智輔謀三明武攝勇四明材

攝士五明藝攝官

皆所以成戰矣

五虞一鼓走疑二備從來三

佐軍舉旗四采虞人謀五後動撚之

撚從也皆來安道令之道

無競

惟害有功無敗

雖強常念害則不敗也



大明武解第九

畏嚴大武曰維四方畏威乃寧

大武之道四方畏威天下乃寧之也

天作

武修戎兵以助義正違

正順其義

順天行五官官候厥政謂

有所亡

五官舉大官之言亡無也

城郭溝渠高厚是量

謂敵人所處也

既踐

戎野備慎其殃敬其嚴君乃戰赦

言當明耳目遠斥候

十藝必明

加之以十因靡敵不荒

荒敗也

陣若雲布侵若風行輕車

翼衛在戎二方

奔敵之陣如此

我師之窮靡人不剛

知敵之強乃剛勇也

十藝一大援二明從三餘子四長興五伐人六刑餘七

三疑八間書九用少十興怨

刑餘赦徒用少者省費興怨離構也

十因一

樹仁二勝欲三賓客四通旅五親戚六無告七同事八

程巧九闕能十利事

凡成皆有因也勝欲以義勝欲

藝因伐用是謂強

轉應天順時時有寒暑

言時有難易也

風雨饑疾民乃不處移

散不敗農乃商賈委以淫樂賂以美女

謂扇動之使沉惑也

主人

若杖闕至城下高堙臨內日夜不解

杖謂堅也

方陣並功云

何能禦雖易必敬是謂明武

禦當也

城高難平湮之以土

開之以走路俄傳器櫓

湮土謂為土山以臨之也

因風行火障水水

下惠用元元文誨其寡

言務恤刑也

旁隧外權隳城湮溪老

弱單處其謀乃難

單處無於保鄣

既克和服使衆咸宜竟其金

革是謂大夷

咸皆夷平

小明武解第十

凡攻之道必得地勢以順天時觀之以今稽之以古

兵

器戰危事故以詳順之稽考也

攻其逆政毀其地阻立之五教以惠其

下

五教五常之教也

矜寡無告寔為之主五教允中枝葉代興

為之君枝葉謂衆善政也

國為偽巧後宮飾女荒田逐獸田獵之所

游觀崇臺泉池在下淫樂無既百姓辛苦

言凡有此  
事皆可伐上

有困令乃有極

關上困下騰戎遷其野敦行王法濟用

金鼓

濟成也言以  
金鼓濟其伐

降以列陣無悅怒

關按道攻巷無襲

門戶

言不赦有罪怒  
伐無辜襲掩也

無受貨賂攻用弓弩上下禱祀靡

神不下具行衝梯振以長旗

先所禱而  
攻後戰也

懷戚思終左右

憤勇無食六畜無聚子女羣振若電造於城下鼓行參

呼以正什伍

言士卒之  
奮厲也

上有軒冕斧鉞在下勝國若化

故曰明武

軒冕所以  
為賞也

大匡解第十一

維周王宅程三年遭天之大荒

程地名在岐州左右後以為國初王季之子文

王因焉而遭饑饉後乃徙豐焉

作大匡以詔牧其方三州之侯咸率

文王

初未得三分有二故三州也率謂奉順也

王乃召冢卿三老三吏大夫百執

事之人朝于大庭

冢卿孤卿三吏三卿也大庭公堂之庭

問罷病之故政

事之失刑罰之戾哀樂之尤

戾罪尤過

賓客之盛用度之費

及關市之征山林之匱田宅之荒溝渠之害

匱荒害皆謂官不修

無征怠墮之過驕頑之虐水旱之菑

菑以為失之者

曰不穀不德

政事不時國家罷病不能胥匡二三子尚助不穀官考

厥職鄉問其人

不尚尚也問人政得失

因其耆老及其總害慎問

其故無隱乃情

總衆人也

及某日以告于廟有不用命有常

不赦

明日王至廟告常者常刑也

王既發命入食不舉百官質方闕

不食饗

王不舉樂百官徹膳以思其職方道

及期日質明王麻衣以朝朝

中無采衣

此凶服自居為荒變

官考其職鄉問其利因謀其蓄旁

匡於衆無敢有違

衆衆民也百官率我故無違

詰退驕頑方收不服

慎惟怠愼什伍相保

方收方收其不服化者也

動勸游居事節時茂

農夫任戶戶盡夫出

茂勉也言無戶不出夫以勸農

農廩分鄉鄉命受

糧程課物徵躬競比藏

農人藏穀於廩分在諸鄉合課程比藏者比方其收藏也

藏

不粥糴糴不加均賦洒其弊鄉正保貸

糧不加均多從所有不限也洒

散也弊以糴以貨窮也

成年不償信誠匡助以輔殖財

名曰貸而

生殖民財也

財殖足食克賦為征數口以食食均有賦

均民足食

而征其賦以入官也

外食不贍開關通糧糧窮不轉孤寡不廢

征窮

困內不轉出外也

滯不轉留戍城不留闕

足以守出旅分均馳

車送逝旦夕運糧

闕不成者不令留足以守之衆皆共運之也

於是告四方

遊旅旁生忻通津濟道宿所至如歸

有告者窮者有所歸也

幣租

輕乃作母以行其子

以貴重為母謂錢帛之屬

易資貴賤以均遊旅

使無滯

非但租賦作母行子遊旅易資亦然

無粥熟無室市權內外以立

均無蚤暮間次均行

均平民財行之無早晚之常也

均行衆從積而勿

闕以罰助均無使之窮平均無乏利民不淫

雖積賞進有無不限

防之使民有過者罰其穀幣其穀幣通以助均

無播蔬無食種

可食之菜曰蔬

以數度

多少省用

國家常用

祈而不賓祭服漱不制

不賓殺禮不制不造新也

車

不雕飾人不食肉畜不食穀

畜謂馬也

國不鄉射樂不牆合



牆屋有補無作

皆為荒降之也

資農不敗務

農槩之務不廢

非公卿不

賓賓不過具

唯賓公卿酒食而已

哭不留日登降一等

留盡也降一等為荒

廢之也

庶人不獨葬伍有植送往迎來亦如之

均恤興迎亦如植共

送迎亦相救也

有不用命有常不違

### 程典解第十二

維三月既生魄文王合六州之侯奉勤于商

三分天下有其二以

伏事殷也

商王用宗讒震怒無疆

宗眾疆境也

諸侯不娛逆諸文

王文王弗忍乃作程典以命三忠

娛樂也不忍從諸侯即王位所以為至德

常典也 曰助余體民無小不敬如毛在躬拔之痛無不省

毛以喻小也無不省故宜敬外也 政失患作作而無備死亡不誠誠在

往事備必慎備思地思地慎制思制慎人思人慎德德

開開乃無患 以開通言德合也 往事誠將來 慎德必躬恕恕以明德德

當天而慎下 以教天下 慎道 下為上貸力競以讓讓德乃行 以讓

為慎下必翼上上中立而下比爭省和而順慎同携乃

爭和乃比 翼敬也中立謂無比也 比事無政無政無選無選民乃

頑頑乃害上 官無雋選之事在官故頑民害上 故選官以明訓頑民乃順

慎守其教小大有度以備菑寇

小大開  
吉凶也

協其三族固其

四援明其伍侯習其武誠依其山川通其舟車利其守

務

修文教誠武  
備聖王之事

士大夫不雜於工商

使各專其業商不  
厚工不朽農不力

不可力治必善  
其事治乃成也

士之子不知義不可以長幼

有士行之  
義方為士

工不族居不足以給官族不鄉別不可以入惠

族謂羣  
也雖不

別其鄉所以  
行其惠也

為上不明為下不順無醜

言國無  
耻醜也

輕其行

多其愚不習

不重其行自多  
其愚何智之有

慎地必為之圖以舉其物

物其善惡

別其地所生  
物之善惡也

度其高下利其陂溝愛其農時

修其等列務其土實

務其勤樹範也

差其施賦設得其宜宜協

其務務應其趣

言其所施當也

慎用必愛工攻其材商通其材

百物鳥獸魚鼈無不順時

順時所為愛之也

生穡省用不濫其

度津不行火數林不伐

濫過也非時不火不伐也

牛羊不盡齒不屠

老不任用食之

土勸不極美美不害用用乃思慎

闕

備不敬不

意多

闕用寡立親用勝懷遠遠格而邇安

多用謂振施也

於安

思危於始思終於邇思備於遠思近於老思行不備無

違嚴戒

必有忍乃有濟也終謂終其義之也格至也

程寤解第十三

缺

秦陰解第十四

缺

九政解第十五

缺

九開解第十六

缺

劉法解第十七

缺

文開解第十八

缺

保開解第十九

缺

八繁解第二十

缺



逸周書卷二

欽定四庫全書

逸周書卷三

晉孔晁注

酆保解第二十一

維二十三祀庚子朔九州之侯咸格于周王在酆昧與  
立于少庭王告周公旦曰嗚呼諸侯咸格來慶辛苦役  
商吾何保守何用行旦拜手稽首曰商為無道棄德刑  
範欺侮羣臣辛苦百姓忍辱諸侯莫大之網福其亡亡  
人惟庸王其祀德純禮明允無二卑位柔色金聲以合



之王乃命三公九卿及百姓之人曰恭敬齊潔咸格而  
祀于上帝商饋始于王因饗諸侯重禮庶吏出送于郊  
樹昏于崇內備五祥六衛七厲十敗四葛外用四蠹五  
落六容七惡五祥一君選擇二官得度三務不舍四不  
行賂五察民困六衛一明仁懷恕二明智毀謀三明武  
攝勇四明才攝士五明德法官六明命攝政七厲一翼  
勤厲務二動正厲民三靜兆厲武四翼藝厲物五翼言  
厲復六翼敬厲衆七翼知厲道十敗一佞人敗樸二諂

言毀積三陰資自舉四女貨速禍五比黨不揀六佞說  
鬻獄七神龜敗卜八賓祭推穀九忿言自辱十異姓亂  
族四葛一葛其農時不移二費其土慮不化三正賞罰  
獄無姦竒四葛其戎謀族乃不罰四蠹一美好怪竒以  
治之二淫言流說以服之三群巧仍興以力之四神巫  
靈寵以惑之五落一示吾貞以移其名二微降霜雪以  
取松柏三信蟠萌莫能安宅四厚其禱巫其謀乃獲五  
流德飄狂以明其惡六容一游言二行商工三軍旅之

庸四外風之所揚五因失而亡作事應時時乃喪六厚  
使以往來其所藏七惡一以物角兵二令美其前而厚  
其傷三間於大國安得吉四交其所親靜之以物則  
以流其身五率諸侯以朝賢人而已猶不往六令之有  
求遂以生尤七見親所親勿與深謀命友人疑旦拜曰  
嗚呼王孫其尊天下適無見過過適無好自益以明而  
迹嗚呼敬哉視五祥六衛七厲十敗四葛不修國乃不  
固務周四蠹五落六容七惡不時不允不率不緩反以

自薄嗚呼深念之哉重維之哉不深乃權不重從權乃  
慰不從乃潰潰不可復戒後人復戒後人其用汝謀王  
曰允哉

大開解第二十二

維王二月既生魄王在艸立于少庭兆墓九開開厥後  
人八儆五戒八儆一闕旦于開二躬修九過三族修九  
禁四無競維義五習用九教六闕用守備七足用九利  
八寧用懷闕五戒一祇用謀宗二經內戒工三無遠親

戚四雕無薄闕五禱無憂王及為人盡不足王拜傲我  
後人謀競不可以藏戒後人其用汝謀維宿不悉日不  
足

小開解第二十三

維三十有五祀王念曰多闕正月丙子拜望食無時汝  
開後嗣謀曰嗚呼于來後之人余聞在昔曰明明非常  
維德曰為明食無時汝夜何脩非躬何慎非言何擇非  
德嗚呼敬之哉汝恭聞不命賈粥不讎謀念之哉不索

禍招無曰不免不庸不茂不次人蓄不謀遷棄非人朕  
聞用人不以謀說說惡諂言色不知適適不知謀謀泄  
汝躬不允嗚呼敬之哉後之人朕聞曰謀有共輔如乃  
而舍人之好佚而無窮貴而不傲富而不驕兩而不爭  
聞而不遙遠而不絕窮而不匱者鮮矣汝謀斯何嚮非  
翼維有共枳枳亡重大害小不堪柯引維德之用用皆  
在國謀大鮮無害嗚呼汝何敬非時何擇非德德枳維  
大人大人枳維卿卿枳維大夫大夫枳維士登登皇皇

闕  
枳維國國枳維都都枳維邑邑枳維家家枳維欲無  
疆動有三極用有九因因有四戚五私極明與與有畏  
勸汝何異非義何畏非世何勸非樂謀獲三極無疆動  
獲九因無限務用三德順攻奸闕言彼翼翼在意伋時  
德春育生素草肅疎數滿夏育長美柯華務水潦秋初  
藝不節落冬大劉倍信何謀本闕時歲至天視嗚呼汝  
何監非時何務非德何興非因何用非極維周于民人  
謀競不可以後戒後戒宿不悉日不足

文倣解第二十四

維文王告夢懼後祀之無保庚辰詔太子發曰汝敬之  
哉民物多變民何嚮非利利維生痛痛維生樂樂維生  
禮禮維生義義維生仁嗚呼敬之哉民之適敗上察下  
遂信何向非私私維生抗抗維生奪奪維生亂亂維生  
亡亡維生死嗚呼敬之哉汝慎守勿失以詔有司夙夜  
勿忘若民之嚮引汝慎何非遂遂時不遠非本非標非  
微非煇壤非壤不高水非水不流嗚呼敬之哉倍本者



槁汝何葆非監不維一保監順時維周于民之適敗無  
有時蓋後戒後戒謀念勿擇

文傳解第二十五

文王授命之九年時維暮春在鄩太子發曰吾語汝所  
保所守守之哉厚德廣惠忠信愛人君子之行

四者君德

不

為驕侈不為靡泰不淫於美括柱茅茨為愛費

言務儉也因就

不決曰括山林非時不升斤斧以成草木之長川澤非時不

入網罟以成魚鼈之長不麝不卵以成鳥獸之長畋漁

以時童不夭胎馬不馳騫土不失宜

言土地所宜悉長之

土可犯

材可蓄潤濕不穀樹之竹葦莞蒲礫石不可穀樹之葛

木以為絺綌以為材用

所為土不失宜

故凡土地之間者聖人

裁之並為民利是魚鼈歸其泉鳥歸其林

取之以時不夭胎故狐

寡辛苦咸賴其生

得所生長材用

山以遂其材工匠以為其器

百物以平其利商賈以通其貨

無二德也

工不失其務農不

失其時是謂和德

和故不失

土多民少非其土也土少人多

非其人也是故土多發政以漕四方四方流之

漕轉流歸言移

內人

土少安帑而外其務方輸

外設業而四民方輸穀

夏箴曰中

不容利民乃外次

夏禹之箴戒書也業舍次於田

開望曰土廣無守可

襲伐土狹無食可圍竭二禍之來不稱之災

開望古書名也政以

人土相稱為善也

天有四殃水旱饑荒其至無時非務積聚何

以備之

積財用聚穀蔬

夏箴曰小人無兼年之食遇天饑妻子

非其有也大夫無兼年之食遇天饑臣妾與馬非其有

也

古者國家三年必有一年之儲非其有言流亡也

戒之哉弗思弗行至無日

矣

言不遠矣

不明開塞禁舍者其如天下何

不明謂失其機

人各修

其學而尊其名聖人制之

制而業用

故諸橫生盡以養從從

生盡以養一丈夫

橫生萬物也從生人也一丈夫天子也言兆民者天子也

無殺天

胎無伐不成材無墮四時如此者十年有十年之積者

王

通三十年之計也

有五年之積者霸無二年之積者亡

通十五年

之計有五年之積也亡為無國家

生十殺一者物十重生一殺十者物

頓空十重者王頓空者亡

生多到重生少到空

兵強勝人人強勝

天能制其有者則能制人之有

勝天勝有天命

不能制其有者

則人制之

術自取之

令行禁止王始也出一曰神明出二曰

分光

政有二名分君之明光亦明也

出三曰無適異出四曰無適與無

適與者亡

君臣無適異民無適與不亡何待也

桑武解第二十六

維王元祀一月既生魄王召周公旦曰嗚呼維在文考

之緒功

此文王卒之明年春也

維周禁五戎五戎不禁厥民乃淫

此成周也而謂之戎言五者不禁戎之道也

一曰土觀幸時政匱不疑二曰

獄讎刑蔽奸吏濟貨

濟貨成其貨也

三曰聲樂

闕

飾女滅德

四曰維勢是輔維禱是怙五曰盤游安居枝葉維落

輔勢

怙禱盤游安  
居皆害之術

五者不距自生戎旅故必以德為本以義

為術以信為動以為心以決為計以節為勝

言以德為本以

節為勝距我之本也

務在審時紀綱為序和均闕里以匡辛苦

匡正

也辛苦窮也

見冠闕

戚靡適無闕勝國若化不動金鼓善戰

不闕故曰柔武四方無拂庵有天下

拂違也言感也

### 大開武解第二十七

維王一祀二月王在艷密命

密人及商紂謀周大命

訪於周公旦

曰嗚呼余夙夜維維商密不顯誰和

言欲以毀送之商密

告歲之有

秋今余不獲其落若何

和捐萬物而商密欲擯我周不得其落恐將亡

周公曰

茲在德敬在周其維天命王其敬命

言天命在周當敬命而已

遠戚

無十和無再失維明德無佚

所親近疎遠也再失為復失也

佚不可還

維文考恪勤戰戰何敬何好何惡時不敬殆哉

言一佚不可還

故念文王所敬

王拜曰允哉余聞國有四戚五和七失九因十

淫非不敬不知

言非不欲敬而未知所聞欲知之也

今而言維格余非廢

善以自塞維明戒是祗

而汝格至也是余敬之

周公拜曰茲順天

天降寤于程程降因于商商今生葛葛右有周

言天寤周以和

商謀商朝生葛是祐助周也

維王其明用開和之言言孰敢不格可

相濟曰和欲其開臣以和則忠告之言無不至也

四戚一內同外二外婚姻三

官同師四哀同勞五一有一天維國二有地維義三同

好維樂四同惡維哀五遠方不爭

以文德來遠

七失一立在

廢二廢在祇三比在門四諂在內五私在外六私在公

七公不違

立所廢則功多廢所敬則不見疑闕比諂近公私于錯公法不能違之所謂失

九因

一神有不饗二德有所守三才有不官四事有不均五

兩有必爭六富有別七貪有匱八好有遂九敵有勝

此皆



因其事而以  
誤彼國也

十淫一淫政破國動不時民不保二淫好

破義言不協民乃不和三淫樂破德德不純民乃失常  
四淫動破醜醜不足民乃不讓五淫中破禮禮不同民  
乃不協六淫采破服不度民乃不順七淫文破典典  
不式教民乃不類八淫權破故故不法官民乃無法九  
淫貨破職百官令不承十淫巧破用用不足百意不成  
嗚呼十淫不違危哉今商維茲

言商紂所行如此十者之所蔽其唯第

茲念不承殆哉

不率天命則危殆也

若人之有政令廢令無赦乃

廢天之命訖文考之功緒忍民之苦不祥

廢政令罪不赦而乃廢天

命閔父之業忍民患是不祥也

若農之服田務耕而不耨維草其宅之

既秋而不獲維禽其饗之人而獲饑去誰哀之

草居之是農不

脩也獸食之是饑也已自取之是時矜之父業之遵

王拜曰格乃言嗚呼夙夜戰

戰何畏非道何惡非是不敬殆哉

王乃以周公言為至故拜也

### 小開武解第二十八

維王二祀一月既生魄王召周公旦曰嗚呼余夙夜思

商闕知道極敬聽以勤天命周公拜手稽首曰在我文

考順明三極躬是四察循用五行戒視七順順道九紀

皆文王所行之

三極既明五行乃常四察既是八順乃辨明勢

天道九紀咸當順德以謀罔惟不行

言化道大行也

三極一維

天九星二維地九州三維人四佐

九星四方及五星也四佐疏附禦侮奔走

先後是也

四察一目察維極二耳察維聲三口察維言四心

察維念

四者當所必察真偽

五行一黑位水二赤位火三蒼位木

四白位金五黃位土

言其所順而勤

七順一順天得時二順地

得助三順民得和四順利財足五順得助明六順仁無

失七順道有功

順天時得天道順道有功得人功

九紀一辰以紀日二

宿以紀旬三日以紀德四月以紀刑

日月之會日辰甲乙十者於四方以

紀日宿次十二紀十二月次日為禮月為法也

五春以紀生六夏以紀長七秋

以紀殺八冬以紀藏九歲以紀終

四時終則成歲

時候天視可

監時不失以知吉凶

天視言視天時

王拜曰允哉余聞在昔訓

典中規非時罔有恪言曰正余不足

謙以受

### 寶典解第二十九

維王三祀二月丙辰朔王在鄙召周公旦曰嗚呼敬哉

朕聞曰何脩非躬躬有四位九德

言脩身以四位九德也

何擇非

人人有十姦

凡人所不能免者

何有非謀謀有十散不圉我哉

也 圉禁

何慎非言言有三信信以生寶寶以貴物物周為

器

周用之為器

美好寶物無常維其所貴信無不行

貴在周用行

之以神振之以寶順之以事明衆以備改曰以庸庶格

懷患

言治實以器用

四位一曰定二曰正三曰靜四曰敬敬位

不哉靜乃時非正位不廢定得安宅

丕大也時非待時不動

九德

一孝子畏哉乃不亂謀二悌弟乃知序序乃倫倫不騰

上上乃不崩

不勝不越  
不相超越

三慈惠茲知長幼知長幼樂養

老四忠恕是謂四儀風言大極意定不移

儀言也

五中正

是謂權斷補損知選六恭遜是謂容德以法從權安上

無慝

選數  
慝惡

七寬弘是謂寬宇准德以義樂獲純嘏

純大  
嘏也

大也謂之  
大大之福

八溫直是謂明德喜怒不鄰主人乃服

鄰問  
也

九兼武是謂明刑惠而能忍尊天大經九德廣備次世

有聲

長有  
令問

十姦一窮

闕

于靜二酒行于理三辯惠于智

四移潔于清五死勇于武

實少而曰  
多曰移也

六展允于信七比

譽于讓八阿衆于名九專愚于果十愎孤于貞十者皆不誠之

行故曰姦十散一廢闕

行乃泄闕

三淺薄間瞞其謀乃獲四說吡輕意乃傷營立五行恕

而不願弗憂其圖

間瞞不察謂聽謀也

六極言不度其謀乃費七

以親為疎其謀乃虛八心私慮適百事乃僻九愚而自

信不知所守十不釋太約見利忘親

適單也言十者皆散汝成

三信

一春生夏長無私民乃不迷二秋落冬殺有常政乃盛

行三人治百物物德其德是謂信極

言其信至

而其余也信

既極矣嗜欲闕在在不知義欲在美好有義是謂生寶

以義乃寶周公拜手稽首興曰臣既能生寶恐未有子孫其

敗有闕其心恐有寶而子能有以致治也既能生寶未能生仁恐無後親

王寶生之恐失王會道維其廢會所當會之寶王拜曰格而言

維時余勸之以安位教之廣安位謂信有得用寶而亂亦非我

咎上設榮祿不患莫仁言以榮祿祿則仁也則用是榮人也仁以愛祿允

維典程既得其祿又增其名上下咸勸孰不競仁維子

孫之謀寶以為常言仁人以愛祿為常法則人皆競仁欲愛子孫謀此為常



鄠謀解第三十

維王三祀王在鄠謀言告聞

自文王受命至此十年也知敵情向人問人日謀以

紂聞鄠謀告武王也

王召周公旦曰嗚呼商其咸辜維日望謀建

功謀言多信今如其何

言商君臣皆罪周日望周以建功也

周公曰時至

矣乃興師循故

言何伐紂之時至謂循古法

初用三同一戚取同二

任用能三矢無聲

矢誓言誓衆以盡心也

三讓一近市二賤粥三

施資

以財讓也近來民市旅資以思也

三虞一邊不侵內二道不毆收

三郊不留人

虞禁也設此三禁所以悅也

王曰嗚呼允從三三無咈

厥徵可因

言三讓三同三虞無違言善徵可用以立功也

與周同愛愛徵無疾

疾取不取疾至致備

疾惡

由禱不德不德不成害不在小

終維實大悔後乃無

曲為非義神不聽之

帝念不諂應時作謀不

敏殆哉周公曰言斯允格誰從已出出而不允乃留

帝天

也諂僭也敏疾也

往而不往乃弱士卒咸若周一心

不往則是弱一心則

也

### 寤儆解第三十一

維四月朔王告儆召周公旦曰嗚呼謀泄哉今朕寤有

商驚予

言夢為紂所伐故驚

欲與無口則欲攻無庸以三不足戒

乃不興憂其深矣

戒不興言所憂不從戒中來也

周公曰天下不虞周

驚以寤王王其敬命奉若稽古維王

虞度若順

克明三德維

則

三德剛柔正直

戚和遠人維庸

和近人則遠人用

攻玉禱赦有罪懷

庶有茲封福

庶衆封大

監戒善敗護守勿失無虎傳翼將飛

入官擇人而食不驕不恠時乃無敵

此是義也

王拜曰允哉

余聞日維乃予謀謀時用臧不泄不竭維天而已

聞古言也

天道無常

余維與汝監舊之葆咸祗曰戒戒維宿

言宿古文戒於心

武順解第三十二

天道尚右日月西移地道尚左水道東流人道尚中耳

目役心

言耳目為心所役也

心有四佐不和曰廢

四佐脾腎肺肝也

地有

五行不通曰惡

金木水火土更相生

天有四時不時曰凶天道曰

祥地道曰義人道曰禮知祥則壽知義則立知禮則行

言其相通禮義順祥曰吉吉禮左還順地以利本

本謂人也

武禮

右還順天以利兵

天右還也

將居中軍順人以利陣

人尚中

人

有中曰參無中曰兩兩爭曰弱三和曰疆

有中必有闕故曰參

男

生成成三女生而成五以室成室成以民生民以度

陽奇陰耦五謂相配成室

左右手闕

五左右足各履五曰四枝元

首曰末

四枝手足元首頭也

五闕

十五曰元卒

伍兵名

一卒居前

曰開一卒居後曰敦

開謂啟敦謂服

左右一卒曰閭四卒成衛

曰伯

皆陣名伯卒名

三伯一長曰佐三佐一長曰右

右伯卒也

三右

一長曰正三正一長曰卿三卿一長曰辟

伯卒則右千卒則正三千

卒則卿萬卒舉令之於君辟君也此謂諸侯三軍數起於卿伍故不正相當

辟必明卿必仁

正必智右必和

言其德如此乃堪其任也

佐必闕

伯必勤卒必力

卒三

十五人之師故以勇力為之也辟不明無以慮官卿不仁無以集衆伯

不勤無以行令卒不力無以承訓訓謂先後辟也承謂奉行後令也均

卒力貌而無比比則不順比者比同也均伯勤勞而無携携

則不和携離均佐和敬而無留留則無成留遲均右肅恭而

無羞羞則不興辟必文聖如度言聖君有所為如度度功不有差也元忠

尚讓親均惠下集固介德介大也言必所集則常在大道也危言不干

德曰正不干謂不犯也正及神人曰極世世能極曰帝極謂其上

### 武穆解第三十三

曰若稽古曰昭天之道熙帝之載揆民之任夷德之用

夷總之以咸殷等之以闕禁成之以闕和咸皆殷盛也

也咸康于民卿格維時監于列辟視古公列也敬惟三

事永有休哉三事一倡德二和亂三終齊德有七倫亂

有五遂齊有五備五備一同往路以揆遠邇二明要醜

友德以衆爾庸三明辟章遠以肅民教四明義倡爾衆

教之以服五要權文德不畏強寵同往路謂闕遠之也

也五遂一道其通一決其壅二絕闕無赦不疑三挫銳

無赦不危四閒兵無用不害五復尊離羣不敵

群離故不敵也

七倫一毀城寡守不路

路通

二通道不戰三小國不凶不

伐四正維昌靜不疑五睦忍寧於百姓

中厚忍辱

六禁害求

濟民七一德訓民民乃章

明於教訓

欽哉欽哉余夙夜求之

無射



逸周書卷三

欽定四庫全書

逸周書卷四

晉孔晁注

和寤解第三十四

王乃出圖商至于鮮原

近岐周之地也小山曰鮮

召邵公奭畢公高

王曰嗚呼敬之哉無競惟人人允忠惟事惟敬小人難

保

言王以多賢人為強保安之也

后降惠于民民罔不格惟風行賄賄

無成事

人之歸惠如草應風如用賄則無成事

縣縣不絕蔓蔓若何毫末

不掇將成斧柯

此言防患在微也

王乃厲翼于尹氏八士唯固

允讓

厲獎厲也武王賢臣也

德降為則振于四方行有令問成和

不逆加用禱巫神人允順

言皆順成和志也

武寤解第三十五

王赫奮烈八方咸發高城若地商庶若化

言士卒應王之奮烈視高

城若平地若化恐怖也

約期于牧案用師旅商不足滅分禱上下

於牧野將戰先禱天地也

王食無疆王不食言庶赦定宗

言當赦其罪人定其

宗主不食言也

尹氏八士太師三公咸作有績神無不饗

羣臣言皆

謀立功而神明享其禱

王克配天合于四海惟乃永寧

德合四表

克殷解第三十六

周車三百五十乘陣于牧野帝辛從

十三年正月牧野商郊紂出朝歌二

十里而迎戰也

武王使尚父與伯夫致師

挑戰也

王既以虎賁戎

車馳商師商師大敗

戎車三百五十乘則士卒三萬六千三百五十人有虎賁三千五百

人商辛奔內登於廩臺之上屏遮而自燔于火

屏遮自障武

王乃手太白以麾諸侯諸侯畢拜遂揖之

太白旗名揖召也揖諸侯

共追紂也

商庶百姓咸俟于郊

待武王於郭外也

羣賔僉進曰上天

降休再拜稽首

諸侯賀武王也

武王答拜先入適王所乃剋射

之三發而後下車而擊之以輕呂斬之以黃鉞

輕呂折劍名

懸諸太白

斬絕其首

適二女之所乃既縊

二女姐已及嬖妾縊自縊也

王

又射之三發乃右擊之以輕呂斬之以玄鉞懸諸小白

玄鉞黑斧小白旗名也

乃出場于厥軍

場平治社以及官徹宜去者宜居者居遷也

及

期百夫荷素質之旗于王前

素質白旗前為王道也一作以前于王

叔振

奏拜假

羣臣諸侯應拜假者也則曹叔振奏行也

又陳常車周公把大鉞召

公把小鉞以夾王

常車威儀車也二公夾衛王也

泰顛闔天皆執輕呂

以奏王王入即位于社太卒之左

執王輕呂當門奏太卒屯兵以衛也

羣

臣畢從毛伯鄭奉明水衛叔傅禮羣臣盡從王而康叔相禮召公奭

贊采師尚父牽牲贊佐采事也倅王也尹逸筮曰殷末孫受德迷

先成湯之明侮滅神祇不祀紂字受德也神祇天地也舉天地則宗廟已下廢可

也知明暴商邑百姓其彰顯聞於昊天上帝言上天五帝皆知紂惡也

周公再拜稽首乃出受天大命以改殷天明命王天闕也立王子武庚命

管叔相為三監監殷人乃命召公釋箕子之囚命畢公衛叔出

百姓之囚紂所拘囚者也乃命南宮忽振鹿臺之財巨橋之粟

忽即括散之乃命南宮百達史佚遷九鼎三巫鼎王者所傳寶

三巫地名

乃命閼天封比干之墓

益其緣也

乃命宗祀崇賓饗禱

之于軍

宗祀主祀賓敬也饗祭前所禱之神

乃班

還鄣京也

### 大匡解第三十七

惟十有三祀王在管管叔自作殷之監東隅之侯咸受

賜于王王乃旅之以上東隅

東隅自殷以東旅謁各使陳其政事者也

用大

匡順九則八宅六位

言大匡有此法

寬儉恭敬夙夜有嚴

言當嚴敬

思所順也

昭質非樸樸有不明明執於私私回不中中忠於

欲思慧醜詐

中於欲謂忠於絕私私欲也

昭信非展展盡不伊伊言

於允思復醜譖

展似信而非伊伊推也

昭讓非背背黨雍德德讓

於敬思賢醜爭

讓以得之非棄背也

昭位非忿忿非闕直直立於

衆思直醜比

位所以行道非以息忿忿怒也

昭政非閑閑非遠節節政

於進思止醜殘

政以道民以禁閑之也故貴得節也

昭靜非窮窮居非意

意動於行思靜醜躁

仁者好靜窮非取樂

昭潔非為為窮非涓涓

潔於行思義醜貪

消潔於利不以自污

昭因非疾疾非不貞貞固

於事思任醜誕

疾

昭明九則九醜自齊齊則曰知悖則

死勇

明此九法則所醜義成九法威則苟死於勇不知節

勇知害上則不登于明



堂明堂所以明道明道惟法

惟以法度化人

法人惟重老重老

惟寶嗚呼在昔文考戰戰惟時祇祇汝其

言所尊重者老人及政之

寶也文王唯敬是道汝其用之汝諸侯也

夙夜濟濟無競惟人惟允惟讓不

遠羣正不邇讒邪

言當近正士遠讒人

汝不時行汝害于士士惟

都人孝悌子孫

不行是文王之

不官則不長官戒有敬

官闕朝道舍賓祭器曰八宅

官以長官所戒惟敬則八宅順矣

綏比新

故外內貴賤曰六位

安之比之各以其道則位順也

大官備武小官成

長

承奉

大匡揀攝外用和大

和平

中匡用均勞故禮新

大士

夫乃賓客小匡用惠施舍靜衆靜安也禁誚無怨順生分殺不

忘不憚不計分部不失其禮俾若九則生欲在國國咸敬順維敬

敬惟讓讓惟禮言周大匡使順九則生其所敬於國國人皆順之以敬讓之禮也辟不

及寬有永假不及言同假於王道

### 文政解第三十八

惟十有三祀王在管管蔡開宗循管管叔之邑二叔開其宗族循鎬宗之政

言從化也王禁九慝昭九行濟九醜尊九德止九過務九勝

傾九戒固九守順九典九人所茂政也濟謂濟其醜以好也順此戒也九慝一

不類二不服三不則四闕務有不功五外有內通六幼

不觀國七間不通徑八家不開列九大禁不令路徑刑

也令不九行一仁二行三讓四言五固六始七義八意宣令也

九勇意於道也九醜思勇醜忘思意醜變思治醜亂思固醜

轉思信醜奸思讓醜殘思行醜頑思仁醜豐殘謂殘禮義也九

德一忠二慈三祿四賞五民之利六商工受資七祇民

之死八無奪農九足民之財敬死勸葬也是民之財也九過一視民

傲二聽民暴三遠慎而近貍四法令闕亂五仁善是誅

六不察而好殺七不念

闕

害行八

闕

思前後九偷其身

不路而助無漁九勝一

闕

二

闕

三同惡

潛謀四同好和困五師

闕

征惡六迎旋便路七明賂施

舍八幼子移成九迪名書新

潛謀潛密之謀也移成謂易子而教也蹈名之子書

而新用

九戒一內有柔成二示有危傾三旅有罷寘四亂

有立信五教用康經六合詳毀成七邑守維人八饑有

兆積九勞休無期

柔成善柔諂人也罷寘言闕困倉暗也康逸也合詳無德而信也守邑無

備恃其人衆皆危道

九守一仁守以均二智守以等三固守以典

四信守維假五城溝守立六廉守以名七戒守以信八

競守以備九國守以謀

維假言立信常至於義也

九典一祗道以明

之二稱賢以賞之三典師以教之四四戚以勞之五位

長以遵之六群長以老之七群醜以移之八什長以行

之九戒卒以將之

典師謀各隨所能而教之也遵行之以戒之事也將之軍旅行陣也鳴

呼充虛為害無由不通

無虛不敗

陰陽姦謂之充國無人謂之虛也

### 大聚解第三十九

維武王勝殷撫國綏民乃觀於殷政告周公旦曰嗚呼

殷政總總若風草有所積有所虛和此如何

總總亂也  
有積有虛

言不平也

周公曰聞之文考來遠賓廉近者道別其陰陽之

利相土地之宜水土之便

禮遠賓廣近者道  
總土宜以受民也

營邑制命

之曰大聚先誘之以四郊王親在之

四郊自近始  
也在察也

賓大

夫免列以選赦刑以寬復亡解辱

亡者復之  
辱者解之

削赦闕重

皆有數此謂行風

行風  
化也

乃令縣鄙商旅曰能來三室者

與之一室之祿

以一大夫  
之耕祿者

闢開脩道五里有郊十里有

井二十里有舍

待行  
旅也

遠旅來至關人易資舍其委

貿易  
供其

也資市有五均早暮如一送行逆來振乏救窮均平也言早暮一價

考弱疾病孤子寡獨惟政所先當先民有欲畜發令命

牧畜以國為邑以邑為鄉以鄉為閭禍灾相卹資喪比服

邑閭比相救卹比服祖喪服也五戶為伍以首為長十夫為什以年為

長首為伍合閭立教以威為長合旅同親以敬為長教

會威行旅飲會敬親食相約興彈相庸耦耕闕耘男女有婚墳墓

相連民乃有親言相通也六畜有群室屋既完民乃歸之畜

馬猪羊鄉立巫醫具百藥以備疾灾畜五味以備百草

犬雞

草味同言五  
味非一也

立勤人以職孤立正長以順幼立職喪以

卹死立大葬以正同

職立同

立君子以脩禮樂立小人以

教用兵

禮樂干戚  
兵刃也

立鄉射以習容春和獵耕耘以習遷

行

羣行出入  
坐起隨行

教芋與樹藝比長立職與田疇皆通

根行  
田芋

比長之職  
也連比也

立祭祀與歲穀登下厚薄此謂德教

登下隨  
穀豐儉

也

若其凶土陋民賤食貴貨是不知政

不順政  
故曰凶

山林藪

澤以因其闕

工匠役工以政其材商賈趣市以合其用

言政  
行也

外商資貴而來貴物益賤資賤物出貴物以通其



器

通其有無使相關也

夫然則關夷市平財無鬱廢商不乏資百

工不失其時無愚不教

闕無窮乏則此謂和德

言政治和之所

致也

若不言乃政其凶陂溝道路藪菑丘墳不可樹穀

者樹以材木

除藪種木

春發枯槁夏發葉榮秋發實諫冬發

薪烝以匡窮困

以此匡之也

揖其民力相更為師因其土宜

以為民資

更相為師匡資次用也

則生無乏用死無傳尸此謂仁

德

傳於溝壑

旦聞禹之禁春三月山林不登斧以成草木之

長夏三月川澤不入網罟以成魚鼈之長且以并農力

執成男女之功

男耕女桑成此功也

夫然則有生而不失其宜萬

物不失其性人不失其事天不失其時以成萬財萬財

既成放此為人此謂正德

放散供人用也

泉深而魚鼈歸之草

木茂而鳥獸歸之稱賢使能官有材而歸之關市平商

賈歸之分地薄斂農民歸之水性歸下農民歸利

歷言自然

之王若欲求天下民先設其利而民自至譬之若冬日

之陽夏日之陰不召而民自來此謂歸德

政善德之至也

五德

既明民乃知常武王再拜曰嗚呼允哉天民側側余知

其極有宜

側側喻多長有國也

乃召昆吾冶而銘之金版藏府而

朔之

昆吾古之利冶朔月旦朔省之也

世俘解第四十

維四月乙未日武王成辟四方通殷命有國

言成者執殷俘通之

以為國也此克紂還歸而作也

惟一月丙辰旁生魄若翼日丁巳王乃

步自于周征伐商王紂

旁廣大月大時也此本紀始伐紂師度孟津也

越若來

二月既死魄越五日甲子朝至接于商

越於也朔後為死魄

則咸

劉商王紂執夫惡臣百人

劉克也夫惡臣崇侯之黨

太公望命禦方

來丁卯望至告以馘俘

太公受命追禦紂黨方來

戊辰王遂禦循目

祀文王時日王立政

禦追循亦祀以尅紂告祖考壇

呂

他命伐越戲方士申荒新至告以馘俘

呂他將也戲方紂三邑也

侯

來命伐靡集于陳辛巳至告以馘俘

侯來亦將也靡陳紂二邑也

甲

申百弇以虎賁誓命伐衛告以馘俘

百弇亦將

辛亥薦俘殷

王鼎

殷國之鼎

武王乃翼矢珪矢憲告天宗上帝

矢陳也稷太牢別於

天王不革服格于廟秉語治庶國篇人九終

不改祭天之服以告

祖考急於語治也廟無別人也

王烈祖自太王太伯王季虞公文王邑

考以列升維告殷罪

虞公虞仲邑考文王子也皆升王於帝

簫人造王秉

黃鉞正國伯

於簫人進則王進王伯之位也

壬子王服袞衣矢琰格廟

簫人造王秉黃鉞正邦君

正諸侯之位也

癸酉薦殷俘王士百

人

王士紂之士而囚俘者

簫人造王矢琰秉黃鉞執戈王奏庸大

享一終王拜首稽首王定奏其大享三終

大享鉞爵奏庸擊鍾

甲

寅謁我殷于牧野王佩赤白旂簫人奏武王入進萬獻

明明三終

謁告也明明詩篇名武以干羽為萬舞也

乙卯簫人奏崇禹生開

三鍾終王定

崇禹生開皆篇名告非一故連曰有事也

庚子陳本命伐磨百

韋命伐宣方新荒命伐蜀乙巳陳本命新荒蜀磨至告

禽霍侯俘艾佚侯小臣四十有六禽禦八百有三百兩

告以馘俘

此復說尅紂所命伐也庚子三十六月禦大臣也

百韋至告以禽宣

力禽禦三十兩告以馘俘百韋命伐厲告以馘俘

言兩隅之

言也武王狩禽虎二十有二猫二麋五千二百三十五犀

十有二鼈七百二十有一熊百五十有一羆百一十有

八豕三百五十有二貉十有八麋十有六麇五十麋三

十鹿三千五百有八

武王克紂遂擄其國所獲禽獸

武王遂征四方凡

慙國九十有九國

慙惡也

馘魔億有十萬七千七百七十

有九俘人三億萬有二百三十

武王以不殺為仁無緣馘億也俘馘之多此大

言之

凡服國六百五十有二

此屬紂也

時四月既旁生魄

越六日庚戌武王朝至燎于周維予冲子綏文

此於甲乙十六

日也先廟後天者言功業已成故也

武王降自車乃俾史佚繇書于天號

使史佚用書重薦俘于天也

武王乃廢于紂矢惡臣人百人伐右厥

甲小子鼎大師

廢其惡人伐其小子乃鼎之衆也

伐厥四十夫家君鼎

帥司徒司馬初厥于郊號

言初尅紂于商郊號令所伐也

武王乃夾于

南門用俘皆施佩衣衣先或入

言陳列俘馘于宗廟南門夾道以示衆也取乃

表之施之以耻也

武王在祀太師負商王紂懸首白旂妻二首

赤旂乃以先馘入燎于周廟

王在祀主使樂師以紂首及妻首所馘入廟燎也

若翼日辛亥祀于位用簋于天位

此說詳庚戌明日郊天祭俘所用簋衣事

也

越五日乙卯武王乃以庶祀馘于國周廟翼子冲子

斷牛六斷羊二

於辛亥五以諸侯祭日具有斷然者

庶國乃竟告于周廟

曰古朕聞文考修商人典以斬紂身告于天于稷

言諸侯竟

殺牲自周廟天稷也

用小牲羊犬豕於百神水土于誓社

百神天宗水土



山川誓

告也 曰惟予冲子綏文考至于冲子用牛于天于稷

五百有四

乃宗廟山川也

用小牲羊豕于百神水土社二千七

百有一

所用甚多似皆益之

商王紂于商郊

更說始伐紂時

時甲子夕商

王紂取天智玉琰璫身厚以自焚

天智玉之上天美者也璫環以自厚也

凡厥有庶告焚玉四千

衆人百武王焚玉四千也

五日武王乃俾於

千人求之四千庶則銷天智玉五在火中不銷

紂身不盡玉亦

不銷凡天智玉武王則寶與同

言王者所寶不銷也


凡武王俘商舊

玉億有百萬

箕子

耆德

並亡



逸周書卷四

欽定四庫全書

史部

逸周書卷五至十

詳校官編修臣李潢

編修臣裴謙覆勘

總校官庶吉士臣倉聖脉

校對官中書臣王家賓

謄錄監生臣范鍾

欽定四庫全書

逸周書卷五

晉孔晁注

商誓解第四十三

王若曰告爾伊舊何父

闕

幾耿肅執乃殷之舊

官人序文

闕

及太史比小史昔及百官里居獻

民

闕

來尹師之敬諸戒疾聽朕言用胥生蠲尹王

曰嗟爾衆予言若敢顧天命予來致上帝之威命明罰

今惟新誥命爾敬諸朕話言自一言至于十話言具惟

明命爾王曰在昔后稷惟上帝之言克播百穀登禹之績凡在天下之庶民罔不維后稷之元穀用烝享在商先誓正明祀上帝

闕

亦維我后稷之元穀用告

和用胥飲食肆商先誓王維厥故斯用顯我西土今在商紂昏憂天下弗顯上帝昏虐百姓奉天之命上帝弗顯乃命朕文考曰殪商之多罪紂肆予小子發弗敢忘天命朕考胥翕稷政肆上帝曰必伐之予惟甲子尅致天之大罰

闕

帝之來革紂之

闕

予亦無敢違大命敬諸

昔在我西土我其有言胥告商之百無罪其惟一夫予  
既殛紂承天命予亦來休命爾百姓里居君子其周即

命

闕

爾冢邦君無敢其有不告見于

我有周其比冢邦君我無攸愛上帝曰必伐之今予惟  
明告爾予其往追闕紂達遯集之于上帝天王其有命

爾百姓獻民其有綴芴夫自敬其有斯天命不令爾百  
姓無告西土疾勤其斯有何重天維用重勤興起我罪

勤我無克乃一心爾多子其人自敬助天永休于我西  
土爾百姓其亦有安處在彼宜在天命闕及惻興亂予  
保奭其介有斯勿用天命若朕言在周曰商百姓無罪  
朕命在周其乃先作我肆罪疾予惟以先王之道御復  
正爾百姓越則非朕負亂惟爾在我王曰百姓我聞古  
商先哲王成湯克辟上帝保生商民克用三德疑商民  
弗懷用辟厥辟今紂棄成湯之典肆上帝命我小國曰  
革商國肆予明命汝百姓其斯弗用朕命其斯爾冢邦



君商庶百姓予則

闕

劉滅之上曰霍予天命維既成汝

克承天休于我有周斯小國于有命不易昔我盟津帝

休辨商其有何國命予小子肆我殷戎亦辨百度

闕

美左右予予肆劉殷之命今予維篤祐爾予史太史違  
我史視爾靖疑胥敬請其斯一話敢逸僭予則上帝之  
明命予爾拜拜闕百姓越爾庶義庶刑予維及西土我  
乃其來即刑乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王于  
殷郊王乃升汾之阜以望商邑永歎曰嗚呼不淑允天  
對遂命一日維顯畏弗忘王至于周自闕至于丘中具  
明不寢王小子御告叔旦叔旦亟奔即王曰久憂勞問  
周不寢曰安予告于王曰嗚呼旦惟天不享于殷發之  
未生至于今六十年夷羊在牧飛鴻過野天自幽不享  
于殷乃今有成維天建殷厥徵天民名三百六十夫弗  
顧亦不賓成用戾于今嗚呼于憂茲難近飽于卹辰是

不室我來所定天保何寢能欲王曰旦子克致天之明  
命定天保依天室志我共惡俾從殷王紂四方赤宜未  
定我于西土我維顯服及德之方明叔旦泣涕干常悲  
不能對王

闕

傳于後王曰旦汝維朕達弟子有使汝

汝播食不遑暇食矧其有乃室今維天使子惟二神授  
朕靈期于未致予休于近懷子朕室汝維幼子大有知  
昔皇祖底于今勗厥遺得顯義告期付于朕身肆若農  
服田饑以望獲予有不顯朕卑皇祖不得高位于上帝

汝幼子庚厥心庶乃來班朕大環茲于有虞意乃懷厥  
妻子德不可追于上民亦不可答于朕下不賓在高祖  
維天不嘉于降來省汝其可瘳于茲乃今我兄弟相後  
我筮龜其何所即今用建庶建叔旦恐泣涕共手王曰  
嗚呼旦我圖夷茲殷其惟依天其有憲命求茲無遠天  
有求繹相我不難自洛汭延于伊汭居陽無固其有夏  
之居我南望過于三塗我北望過于有嶽丕願瞻過于  
河宛瞻于伊洛無遠天室其曰茲曰度邑

武倣解第四十五

惟十有二祀四月王告夢丙辰出金枝郊寶開和細書  
命詔周公旦立後嗣屬小子誦文及寶典王曰嗚呼敬  
之哉汝勤之無益闕周未知所周不周商闕無也朕不  
敢望敬守勿失以詔真小子曰允哉汝夙夜勤心之無  
窮也

五權解第四十六

維王不豫于五日召周公旦曰嗚呼敬之哉昔天初降

命于周維在文考克致天之命汝維敬哉先後小子勤  
在維政之失政有三機五權汝敬格之哉克中無苗以  
保小子于位三機一疑家二疑德三質士疑家無授衆  
疑德無舉士質士無遠齊吁敬之哉天命無常敬在三  
機五權一曰地地以權民二曰物物以權官三曰鄙鄙  
以權庶四曰刑刑以權常五曰食食以權爵不遵承括  
食不宣不宣授臣極賞則渥渥得不食極刑則仇仇至  
乃別鄙庶則奴奴乃不滅國大則驕驕乃不給官無庶

則荷荷至乃辛物庶則爵乃不和地庶則荒荒則聶人  
庶則賈賈乃匿嗚呼敬之哉汝慎和稱五權維中是以  
以長小子于位實維永寧

成開解第四十七

成王九年大開告用

周公大開告道  
成王用之也

周公曰嗚呼余夙

夜之勤今商孽競時逋播以輔余何循何循何慎王其

敬文命無易天不虞

言商餘紂子祿父競求是逋播逃  
越之人以自輔當敬天命備不度

者也在昔文考躬修五典勉茲九功敬人畏天教以六則

四守五示三極祇應八方立忠協義乃作

祇敬  
協和

三極一

天有九列別時陰陽二地有九州別起五行三人有四

佐佐官維明五示顯允明所望

四佐謂天子前凝後丞  
右輔左弼也當明謂五

示示於  
民也

五示一明位示士二明惠示衆三明主示寧四

安宅示孥五利用示產

王明三王安宅妻子  
寧固利用則產業衆

產足窮家

懷思終主為之宗德以輔衆和乃同

言五示之義  
同為和同也

四守

一政盡人材材盡致死二土守其城溝三障水以禦寇四

大有沙炭之政

在人盡其材則死力致致  
大沙熾炭可以政適人也

六則一和衆



二發鬱三明怨四轉怒五懼疑六因欲

鬱謂穀帛滯積者也怨則轉之

懼則疑之欲則因之此文王所以尅紂也

九功一賓好在筭二淫巧破制三

好危破事四任利敗功五神巫動衆六盡哀民匱七荒

樂無別八無制破教九任謀生詐

在筭謂實幣於筭無節限也盡謂送終過

制也無別亂同也任謀謂權變也不犯此則成功也

和集集以禁實有離莫遂通

其五典一言父典祭祭祀昭天百姓若敬二顯父登德

德降為則則信民寧

言祭祀見享受福民乃化則法信民心也

三正父登過

過慎於武設備無盈

使正舉事過於前無自滿

四機父登失修

闕

官官無不敬五

闕

制哀節用政治民懷

使刺譏之士舉

政之失其官官無不敬矣懷猶歸之也

五典有常政乃重開之守內則順

意外則順敬內外不爽是曰明王

重開言無爽也

王拜曰允哉

維予聞曰何鄉非懷懷人惟思思若不及禍格無日

至格

式皇敬哉余小子思繼厥常以昭文祖定武考之列

用式

皇天嗚呼余夙夜不寧

作雒解第四十八

武王克殷乃立王子祿父俾守商祀

封以鄭祭成湯

建管叔于

東建蔡叔霍叔于殷俾監殷臣

東謂衛曰鄘霍叔相祿父也

武王既

歸成歲十二月崩鎬殄于岐周

乃謂乃後之歲也殄攢塗

周公立相

天子三叔及殷東徐奄及熊盈以略

立謂為宰攝政也殷祿父徐戎奄謂

殷之諸侯

周公召公內弭父兄外撫諸侯九年夏六月葬武

王於畢

弭安畢也

二年又作師旅臨衛政殷殷大震潰

下叛其上

潰降辟三叔王子祿父北奔管叔經而卒乃囚蔡叔于

郭凌

郭凌地名囚拘也

凡所征熊盈簇十有七國俘維九邑

俘囚

為奴十七國之九邑罪重故囚之

俘殷獻民遷于九畢

賢民士大夫也九畢成周之地

近王化也俾康叔宇于殷俾中旄父宇于東康叔代霍叔中旄代管叔周

公敬念于後日予畏同室克追俾中天下成王二年秋迎周公二年

春歸也周公追長尊王也及將致政乃作大邑成周于土中王城也於天下

土為中城方千七百二十丈郭方七百里南繫于洛水地

因于剌山以為天下之大湊郭郭也繫因皆連接也湊會也制郊甸方

六百里國西土為方千里西土岐周通為圻內分以百縣縣有四

郡郡有關鄙大縣城方王城三之一小縣立城方王城

九之一三三九分都鄙不過百室以便野事耕桑農居之事

鄙得以庶士士居國家得以諸公大夫

居治也治鄙以農治國家以大

夫

凡工賈胥市臣僕州里俾無交為

工商百胥人臣僕各異州里而居不

相雜交也胥待也

乃設丘兆于南郊以上帝配

闕

后稷

設築壇城內郊

南郭也

日月星辰先王皆與食

先王后稷謂郊時

諸受命於周乃

建大社於周中

受封也

其壝東青土南赤土西白土北驪

土中央豐以黃土將建諸侯鑿取其方一面之土苞以

黃土苴以白茅以為土封故曰授則土於周室

其方謂建東方

諸侯以青土也覆茅苴裹土封之為社也

乃位五宮大廟宗宮考宮路寢明

堂

五宮官府寺也太廟后稷二宮祖考廟也路寢王所居也明堂在國南者也

咸有四阿反

玷重亢重郎常累復格藻梲設移旅楹忞忞常畫

咸皆也廟四下

日阿反玷外尚室也重亢累棟也重郎累屋也常累系也復格累之櫺也并藻梲畫梁柱也承屋曰移旅別也

忞謂藻井之飾也言

內階玄階堤唐山廡

以黑石為間唐中庭道堤

謂為高之也

應門庫臺玄閭

門者皆有臺於庫門見之

也

### 皇門解第四十九

維正月庚午周公格左閼門會羣門

格至也路寢左門曰皇門閼音皇也

曰嗚呼下邑小國克有耆老據屏位建沈入非不用明

刑

耆老之賢人也又建立沈伏賢人不用明法

維其開告于予嘉德之說

言下

邑所行而我法之是

命我辟王小至于大我聞在昔有

國誓王之不綏于卹

小至於大者小大邦君也卹憂言思治也

乃維其有大

門宗子勢臣內不茂揚肅德訖亦有孚以助厥辟勤王

國王家

大門宗子適長勢曰顯仕茂勉肅敬訖既也孚信也

乃方求論擇元聖武

夫羞于王所

言旁自羞進

其善臣以至十有分私予苟克有

常罔不允通咸獻言在于王所

私子庶孽也常謂常德言皆信通於義以益王

也人斯是助王恭明祀敷明刑

言善人君子皆順是助法王也

王用有

監明憲朕命用克和有成用能承天嘏命

監視明此事法故能承天

命王天下也

百姓兆民用周不茂在王庭

勉在王庭獻言于王所也

先用

有勸永有關

于上下

上謂天下謂地也

人斯既助厥勤勞王家

助君也謂大

先人神祇報職用休俾嗣在厥家

先人及天地報

之正用

三國用寧小人用格

關能稼穡咸祀天神戎兵

克慎軍用克多

神祐之故

王用奄有四鄰遠土丕承萬子孫

用未被先王之靈光

奄同丕大未終

至于厥後嗣弗見先王之



明刑維時及胥學于非夷

時有胥相為是相學與非常也

以家相厥室

弗卹王國王家維德是用

言勢人以大夫私家不慶王家之用德

以昏求

臣作威不祥不屑惠聽無辜之亂

祥善也不察無罪以惡民也

亂是

羞于王

言順不進辭于王

王阜良乃惟不順之言于是人斯乃

非維直以應維作誣以對俾無依無助

阜大良善也王求善而是人作

誣以對故王無依助也

譬若略犬驕用逐禽其猶不克有獲

驕謂不習

也言闕人之無得猶驕犬逐禽不能獲

是人斯乃讒賊媚嫉以不利于厥

家國

言賊仁賢忌媚嫉妬以而利其君

譬若匹夫之有婚妻曰予獨服

在寢以自露厥家

收室也言自露於家言謂美好喻昏臣也

媚夫有邇無遠

乃食益善夫俾莫通在士王所

食為野闕媚夫見近利而無遠慮利為遠益善

夫使莫通

乃惟有奉狂夫是陽是繩

闕

以為上是按司事于

正長

言陽舉狂夫以為上人闕為官長正主其事也

命用迷亂獄用無成小民

率穡

命者教也率皆痛愁用也

保用無用壽亡以嗣天用弗保

闕民之用

無所宣施是故民失其性天所不安用非其人故也

媚夫先受殄罰國亦不寧嗚

呼敬哉蓋于茲朕維其及

殄絕其世也及其人也

朕蓋臣夫明爾

德以助予一人憂

蓋進也言我進用之臣夫明明之德助我憂天下者

無維乃身

之暴皆卹爾假予德憲資告予元

假借資用也借我法用德之告我我大德

之所行也

譬若衆略常扶予險乃而予于濟

如衆令畋獵相扶持也濟遂也

汝無作

### 大戒解第五十

維正月既生魄王訪于周公曰嗚呼朕聞維時兆厥工

非不顯朕實不明

兆始工官言政治是始正其官

維士非不務而不

得助大則驕小則懾懾謀不極

言務求士而不得助如此之難極中也

予

重位與輕服非共得福厚用遺

重所重在於重位輕重所立非夫德而厚福用

之是求益之言也

庸止生邠庸行信貳衆輯群政不輯自匿鳴

呼予夙勤之無或告余非不念念不知

止容端則信貳則難周中也我

雖勤之無有告我者而不得明知也

周公曰於敢稱乃武王之言曰微

言入心夙喻動衆大乃不驕行惠於小衆乃不懾

言汝之武

王有

連官集乘同憂若一謀有不行茲惟重告再

連官則同

憂同集衆事則同濟謀有不行必行也

庸厲調以餌士權先申之明約必

遺之

餌謂爵祿權謂勢重

其位不尊其謀不陽我不畏敬材在四

方

早當畏敬賢者尊其位陽其謀也在四方言

無擅于人塞匿勿行患戚咸

服孝悌乃明

擅人專已塞逆陰忌哀惠順戚近也

明立威耻亂使衆之道

撫之以惠內姓無感外姓無謫

鄙即其亂則思治矣內長同姓同宗外異姓謫

過人知其罪上之明審教幼乃勤貧賤制闕設九備乃

無亂謀

上明則不隱情故曰知罪

九備一忠正不荒美好乃不作惡

順人心明察則民化而善

四闕

說聲色憂樂盈匿五碩信傷辯曰費

闕

六出觀好怪內乃淫巧

碩大怪異

七闕

謀躁內乃荒

異八闕

好威民衆日姚九富寵極足是大極內心其

離

閑室也

九備既明我貴保之應協以動遠邇同功

應協以動

動必和謀和適同覆以觀之上明仁義援貢有備上謂君也聚

財多闕以援成功克禁淫謀衆匿乃雍言閑塞不行也順得以

動人以立行輯佐之道上必盡其志然後得其謀言和輯求

助當先順人也無闕其信雖危不動闕以昭其乃得人轉移貞信

如此得其用也上危而轉下乃不親上危而下不親之不足信故也王拜曰允

哉允哉敬天行道

逸周書卷五

欽定四庫全書

逸周書卷六

晉 孔晁 注

周月解第五十一

惟一月既南至昏昴畢見日短極基踐長微陽動于黃  
泉陰慘于萬物是月斗柄建子始昏北指陽氣虧草木  
萌蕩日月俱起于牽牛之初右回而行月周天起一次  
而與日合宿日行月一次周天歷舍于十有二辰終則  
復始是謂日月權輿周正歲道數起于時一而成于十

次一為首其義則然凡四時成歲有春夏秋冬各有孟仲季以名十有二月中氣以著時應春三月中氣雨水春分穀雨夏三月中氣小滿夏至大暑秋三月中氣處暑秋分霜降冬三月中氣小雪冬至大寒閏無中氣斗指兩辰之間萬物春生夏長秋收冬藏天地之正四時之極不易之道夏數得天百王所同其在商湯用師于夏除民之災順天革命改正朔變服殊號一文一質示不相沿以建丑之月為正易民之視若天時大變亦一



代之事亦越我周王致伐于商改正異械以垂三統至於敬授民時巡狩祭享猶自夏焉是謂周月以紀于政

時訓解第五十二

立春之日東風解凍又五日蟄蟲始振又五日魚上冰風不解凍號令不行蟄蟲不振陰姦陽魚不上冰甲冑私藏雨水之日獺祭魚又五日鴻鴈來又五日草木萌動獺不祭魚國多盜賊鴻鴈不來遠人不服草木不萌動果蔬不熟驚蟄之日桃始華又五日倉庚鳴又五日

鷹化為鳩桃始不華是謂陽否倉庚不鳴臣不闕主鷹  
不化鳩寇戎數起春分之日玄鳥至又五日雷乃發聲  
又五日始電玄鳥不至婦人不闕雷不發聲諸侯闕民  
不始電君無威震清明之日桐始華又五日田鼠化為  
鴽又五日虹始見桐不華歲有大寒田鼠不化鴽國多  
貪殘虹不見婦人苞亂穀雨之日萍始生又五日鳴鳩  
拂其羽又五日戴勝降于桑萍不生陰氣憤盈鳴鳩不  
拂其羽國不治兵戴勝不降于桑政教不中立夏之日

螻蛄鳴又五日蚯蚓出又五日王瓜生螻蛄不鳴水潦  
淫漫蚯蚓不出嬖奪后王瓜不生困於百姓小滿之日  
苦菜秀又五日靡草死又五日小暑至苦菜不秀賢人  
潛伏靡草不死國縱盜賊小暑不至是謂陰慝芒種之  
日螳螂生又五日鵙始鳴又五日反舌無聲螳螂不生  
是謂陰息鵙不始鳴令姦壅偪反舌有聲佞人在側夏  
至之日鹿角解又五日蜩始鳴又五日半夏生鹿角不  
解兵戈不息蜩不鳴貴臣放逸半夏不生民多厲疾小

暑之日溫風至又五日蟋蟀居壁又五日鷹乃學習溫風不至國無寬教蟋蟀不居壁急迫之暴鷹不學習不備戎盜大暑之日腐草化為螢又五日土潤溽暑又五日大雨時行腐草不化為螢穀實鮮落土潤不溽暑物不應罰大雨不時行國無恩澤立秋之日涼風至又五日白露降又五日寒蟬鳴涼風不至無嚴政白露不降民多邪病寒蟬不鳴人皆力爭處暑之日鷹乃祭鳥又五日天地始肅又五日禾乃登鷹不祭鳥師旅無功天

地不肅君臣乃闕農不登穀暖氣為灾白露之日鴻鴈  
來又五日玄鳥歸又五日羣鳥養羞鴻鴈不來遠人背  
畔玄鳥不歸室家離散羣鳥不養羞下臣驕慢秋分之  
日雷始收聲又五日蟄蟲培戶又五日水始涸雷不始  
收聲諸侯淫佚蟄蟲不培戶闕靡有賴水不始涸甲蟲  
為害寒露之日鴻鴈來賓又五日爵入大水化為蛤又  
五日菊有黃華鴻鴈不來小民不服爵不入大水失時  
之極菊無黃華土不稼穡霜降之日豺乃祭獸又五日

草木黃落又五日蟄蟲咸俯豺不祭獸爪牙不良草木  
不黃落是為愆陽蟄蟲不咸俯民多流亡立冬之日水  
始冰又五日地始凍又五日雉入大水為蜃水不冰是  
謂陰負地不始凍咎徵之咎雉不入大水國多淫婦小  
雪之日虹藏不見又五日天氣上騰地氣下降又五日  
閉塞而成冬虹不藏婦不專一天氣不上騰地氣不下  
降君臣相嫉不閉塞而成冬母后淫佚大雪之日鳴鳥  
不鳴又五日虎始交又五日荔挺生鳴鳥不鳴闕 虎

不始交闕

荔挺不生卿士專權冬至之日蚯蚓

結又五日麀角解又五日水泉動蚯蚓不結君政不行  
麀角不解兵甲不藏水泉不動陰不承陽小寒之日鴈  
北向又五日鵲始巢又五日雉始雊鴈不北向民不懷  
主鵲不始巢國不寧雉不始雊國大水大寒之日雞始  
乳又五日鷺鳥厲疾又五日水澤腹堅雞不始乳淫女  
亂男鷺鳥不厲國不除兵水澤不腹堅言乃不從

謚法解第五十四

維周公旦太公望開嗣王業攻于牧野之中終葬乃制

謚叙法謚者行之迹也號者功之表也車服位之章也

古者有大功則善號以為福也是以大行受大名細行受小名行出於

己名生於人名謂號謚一人無名曰神不名壹善稱善闕間曰聖

所稱得人所善得實所別得簡敬賓厚禮曰聖聖於禮也德象天地曰帝同於

天靜民則法曰皇靜安仁義所在曰王民從之也立制及衆曰

公志無私也執應八方曰侯所執行八方應之也壹德不解曰簡壹不委曲

平易不疵曰簡疵多病也經緯天地曰文成其道也道德博厚曰



文無不學勤好問曰文不耻慈惠愛民曰文惠以成慤

民惠禮曰文以禮安人錫民爵位曰文舉也剛彊直理曰武

剛無欲彊不撓直正無曲理忠恕也威彊敵德曰武思有德者敵也克定禍亂曰

武以兵征故解也刑民克服曰武法正民能使服大志多窮曰武大志行兵

多所窮也敬事供上曰恭恭奉也尊賢貴義曰恭尊貴賢人寵貴義士尊

賢敬讓曰恭敬有德讓有功既過能改曰恭言有智也執事堅固曰

恭守正不移安民長悌曰恭順長接弟執禮敬賓曰恭迎待賓也比親

之門曰恭無德以益之也尊長讓善曰恭不尊己善推於他人淵源流通

曰恭

性無所忌也

照臨四方曰明

以明照之譖訴不行曰明  
逆知之故

行威儀悉備曰欽

威則可畏儀則可象

大慮靜民曰定

思樹惠也

安民

大慮曰定

以慮安人

安民法古曰定

不失舊意也

純行不二曰定

行壹謀慮不威曰德

不以威相拒也

辟地有德曰襄

取之以義

甲冑

有勞曰襄

言成征伐

有伐而還曰釐

知難而退

質淵受諫曰釐

深故

能受

慈惠愛親曰釐

言周愛親族也

博聞多能曰獻

雖多能不

聰

明叡哲曰獻

有通知之聰也

溫柔聖善曰懿

性純淑也

五宗安之曰

孝

五世之宗也

協時肇享曰孝

協合肇始也常如始

秉德不回曰孝

順於

德而不逆 大慮行節曰孝言成其節 執心克莊曰齊能自輔輕供

就曰齊輕有所輔而供成也 溫年好樂曰康好豐年勤民事 安樂撫民曰

康無四方之虞 令民安樂曰康富而教之 安民立政曰成政以安之 布

德執義曰穆穆純也 中情見貌曰穆任闕路也 敏以敬慎曰傾

無所不敬順也 昭德有勞曰昭能勞謙也 聖文周達曰昭聖文通治也 保

民耆父曰胡六十曰耆七十曰父 彌年壽考曰胡大其年也 彊毅果敢

曰剛彊於仁義致果曰毅 追補前過曰剛勸善以補過也 柔德考衆曰靜

成衆使安也 供已鮮言曰靜供已之身正 寬樂令終曰靜性寬樂義

以善治而清省曰平無失闕之病也執事有制曰平在位平之意也布

網治紀曰平施之政事由義而濟曰景用義而成也布義行剛曰

景以剛行義也清白守節曰貞行清白志固也大慮克就曰貞能大慮非

正則不隱無克曰貞坦然無私也彊以剛果曰威彊甚於剛也猛

以彊果曰威亦彊甚於剛也彊毅信正曰威信正言無邪也辟土服遠

曰桓兼人故啟土也道德純一曰思道大而德一也不胥兆民曰思親大

民而外內思索曰思言求善也追悔前過曰思思而能改也柔質

受課曰惠以惠愛惠能思辨衆曰元別之使各有次也行義說民曰

元

其民說

始建國都曰元

非善之長可一使也

主義行德曰元

以義為主

作德政也

兵甲亟作曰莊

以數征為嚴

歡通克服曰莊

通達使能服也死

於原野曰莊

非嚴何以死難

屢征闕

伐曰莊

以嚴

武而不遂曰

莊

武功不成

克殺秉正曰夷

秉正不任賢也

安心好靜曰夷

不與正也執

義揚善曰懷

私人之善

慈義短折曰懷

短未六十折未三十

夙夜警戒曰

敬

敬身思戒

夙夜恭事曰敬

敬以莊事也

象方益平曰敬

法之以常而加

敬也

合善法典曰敬

非敬何以善也

述善不克曰丁

不能成義

述義不

悌曰丁

不悌不遜順也

有功安民曰烈

以武功立功

秉德遵業曰烈

遵世

業不墮改剛克為伐曰翼成功也思慮深遠曰翼好遠思自能也剛德

克就曰肅成其不欲使為就執心決斷曰肅言嚴果也愛民好洽曰

戴好民治也典禮不塞曰戴闕死而志成曰靈立志不亂而

不損曰靈不闕以治極知鬼事曰靈知其能聽徹也不勤成名曰靈

本任性不見賢思齊死見鬼能曰靈有鬼為厲好祭鬼神曰靈敬鬼神不能遠

也短折不成曰殤有知而天殤也未家短折曰殤未家者未室家也不

顯尸國曰隱以閭主國也隱拂不成曰隱言其隱拂改其性也年中早

天曰悼年不肆志肆行勞祀曰悼縱於心勞於淫祀言不脩德也恐懼從處

曰悼

從處言  
國地也

不思忘愛曰刺

忌其愛  
已者也

愎恨遂禍曰刺

去諫

曰愎反

外內從亂曰荒

官不治  
家不理

好樂怠政曰荒

淫於聲  
色故怠

政在國逢難曰愍

逢兵寇  
之事也

使民折傷曰愍

苛政  
賊害

在國連

憂曰愍

仍多  
大喪

禍亂方作曰愍

國無政  
動長亂

蚤孤短折曰哀

卑者

未知  
人事

恭仁短折曰哀

體恭質仁  
功未施也

蚤孤有位曰幽

有喪即  
位而卒

也壅遏不通曰幽

弱損不  
日也

動祭亂常曰幽

易神  
之班

克威捷

行曰魏

有威而  
敏行

克威惠禮曰魏

有威而  
敏行也

去禮遠衆曰煬

內好多淫  
外則荒政醜心動懼曰甄

甄積  
也

容儀恭美曰勝

有儀可  
象行恭

可威德剛武曰圉

國也。能治亂患也。

聖善周聞曰宣

聞謂所聞善事也。

治民克盡曰

克盡無思惠也。

行見中外曰愨

言表裏如一也。

勝敵壯

志曰勇

不闕勝。

照切寧民曰商

明有功也。

狀古述今日譽

言直人稱。

心能制義曰庶

制得事宜。

好和不爭曰安

失在少斷。

外內真復曰

白

正而闕終始一也。

不生其國曰聲

知而不改。

致戮無辜曰厲

賊良善人。

官人應實曰知

能官人也。

凶年無穀曰糠

不務稼穡。

名實不爽曰

質

不爽應也。

不悔前過曰戾

知而不改。

溫良好樂曰良

言人行可好可樂也。

怙威肆行曰醜

肆意得威。

勤政無私曰類

無私惟義所在。

好變動民



曰躁

數移徙也

慈和徧服曰順

能使人皆服其慈和

滿志多窮曰感

自足

者必不足也

危身奉上曰忠

險不辭勞也

思慮深遠曰

闕自任多近於專

息政外交曰推

不自明而恃外也

疏遠繼位曰紹

非其次第偶得之也

彰

義掩過曰堅

明義以前過

肇敏行成曰直

始疾行成言不深也

內外賓

服曰止

言以正闕也

華言無實曰

闕

教誨不倦曰長

以道教之也

愛民在刑曰克

道之以政齊之以刑

嗇於賜與曰愛

言貪恡也

逆天虐民曰煬

所尊天而逆天

好廉自克曰節

自節以情欲也

擇善而

從曰比

比方善而從之

好更改舊曰易

變改故常

名與實爽曰謬

言名

美而實傷

思厚不爽曰愿

不差所思而得也

貞心大度曰匡

心正而明察也

隱哀之也施為文也除為武也

除惡

辟地為襄視遠為桓

剛克為發柔克為懿履亡為莊有過為僖施而不成曰

宣惠而內德曰獻

無內德惠不成也

治而生青為平亂而不損

為靈由義而濟為景失無闕

則以其明餘闕象也

以其明所

及為謚象謂象其事行也

和會也勤勞也遵循也爽傷也肇始也又

治也康安也怙恃也享祀也胡大也服敗也康順也就

會也慤過也錫與也典常也肆施也糠虛也歡聖也惠

愛也綏安也堅長也耆彊也考成也周至也懷思也式法也敏疾也捷克也載事也彌久也

明堂解第五十五

大維商紂暴虐脯鬼侯以享諸侯天下患之四海兆民欣戴文武是以周公相武王以伐紂夷定天下既克紂六年而武王崩成王嗣幼弱未能踐天子之位周公攝政君天下弭亂六年而天下大治乃會方國諸侯於宗周大朝諸侯明堂之位天子之位負斧扆南面立率公

卿士侍于左右三公之位中階之前北面東上諸侯之位阼階之東西面北上諸伯之位西階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上四塞九闕之國世告至者應門之外北面東上宗周明堂之位也明堂明諸侯之尊卑也故周公建焉而明諸侯於明堂之位制禮作樂頒度

量而天下大服萬國各致其方賄七年致位於成王

嘗麥解第五十六

維四年孟夏王初祈禱于宗廟乃嘗麥于太祖是月王命大正正刑書與明僕告既駕少祝導王亞祝迎王降階即假于太宗少宗少祕于社各牡羊一牡豕三史導王于北階王陟階在東序乃命太史尚太正即居于戶西南向九州闕伯咸進在中西向宰乃承王中升自客階作筭執筭從中宰罔尊中于大正之前太祝以王命

作筴筴告太宗王命

闕

祕作筴許諾乃北向繇書于

內楹之門王若曰宗揜大正昔天之初

闕

作二后乃設

建典命赤帝分正二卿命蚩尤于宇少昊以臨四方司

闕

上天未成之慶蚩尤乃逐帝爭于涿鹿之河九隅

無遺赤帝大懼乃說于黃帝執蚩尤殺之于中異以甲

兵釋怒用大正順天思序紀于大帝用名之曰絕轡之

野乃命少昊請司馬鳥師以正五帝之宮故名曰質天

用大成至于今不亂其在殷之五子忘伯禹之命假國

無正用胥興作亂遂凶厥國皇天哀禹賜以彭壽思正  
夏略今予小子聞有古遺訓予亦述朕文考之言不易  
予用皇威不忘祇天之明典令闕我大治用我九宗正  
州伯教告于我相在大國有殷之闕辟自其作闕于古  
是威厥邑無類于冀州嘉我小國小國其命余克長國  
王嗚呼敬之哉如木既顛厥巢其猶有枝葉作休爾弗  
敬恤爾執以屏助予一人集天之顯亦爾子孫其能常  
憂恤乃事勿畏多寵無愛乃囂亦無或刑于鰥寡非罪

惠乃其常無別于民衆臣咸興受大正書乃降大史英  
刑書九篇以升授大正乃左還自兩柱之間闕箴大正  
曰欽之哉諸正敬功爾頌審三節無思民因順爾臨獄  
無頗正刑有掇夫循乃德式監不遠以有此人保寧爾  
國克戒爾服世世是其不殆維公咸若太史乃降太正  
坐舉書乃中降再拜稽首王命太史正升拜于上王則  
退是月士師乃命太宗序于天時祠大暑乃命少宗祠  
風雨百享士師用受其戴以為之資邑乃命百姓遂享



于富無思民疾供百享歸祭閭率里君以為之資野宰  
乃命冢邑縣都祠于太祠乃風雨也宰用受其職載以  
為之資采君乃命天御豐穡享祠為施大夫以為資箴  
太史乃藏之于盟府以為歲典

本典解第五十七

維四月既生魄王在東宮召公告周公曰嗚呼朕聞武  
考不知乃問不得乃學俾資不肖永無惑矣今朕不知  
明德所則政教所行字民之道禮樂所生非不念而知

故問伯父周公再拜稽首曰臣聞之文考能求士闕者  
智也與民利者仁也能收民獄者義也能督民過者德  
也為民犯難者武也智能親智仁能親仁義能親義德  
能親德武能親武五者昌于國曰明明能見物高能致  
物物備咸至曰帝帝鄉在地曰本本生萬物曰世世可  
則闕曰至至德照天百姓闕驚備有好醜民無不戒顯  
父登德德降則信信則民寧為畏為極民無淫慝生民  
知常利之道則國疆序民好醜闕必固其務均分以利

之則民安闕用以資之則民樂明德以師之則民讓生

之樂之則母之禮也政之教之遂以成之則父之禮也

父母之禮以加于民其慈闕古之聖王樂體其政士

有九等皆得其宜曰材多人有八政皆得其則曰禮服

士樂具生而務其宜是故奏鼓以章樂奏舞以觀禮奏

歌以觀和禮樂既和其上乃不危王拜曰允哉幼愚敬

守以為本典

逸周書卷六